

Биллиилээх судаа-рыстыбаннай дея-тель Илья Егорович Винокуров Нам улуунун Куһаҥан Ыл нэһилиэгэр 1896 с. төрөөбүт. Аҕата, Егор Николае-вич орто сэниэ ыалтан төрүттээх эбит. Аҕата Илья үс саастааҥар өлөн, икки хараҕа суох ийэтин кыт-та ыраах-чугас аймахтарынан иитимнигэ сылдьаллар. Илья уол 4 кылаастаах приходской-церков-най пансионнаах оскуоланы үчү-гэйдик үөрэнэн бүтэрэн баран, салгыы үөрэнэр кыаҕа суох буолан, сүөһү көрөн, оттоон, дьонугар көмө буолар. Ийэтэ обото үөрэх-тэнэрин туһугар Кравченко диэн политсыылынайга ыйга 4 сол-куобайга үөрэттэрэр. Ол эрэри төлөбүр кыаллыбакка, үөрэнэрэ эмиэ тохтоон хаалар. Москвитин атыһыкка үлэҕэ киирэн, аты көрөр-харайар, куучардыыр, ааҕар-суоттуур буолан, изстээх дьону испииһэктиир үлэҕэ сылдьар. Ийэтэ кини 11 саастааҥар өлбүтүн кэннэ, Илья бэйэтин бэйэтэ дыһа-нар буолар. Борбуйун көтөҕөөт, Булунна балыкка, салгыы Муостуур арыыга (Новосибирские острова) сэли муһун хомуйуутугар дьонно үлэҕэ киирэн, үлэлиир. Усуйаана Хаһааччыатыгар атыһылы-эргинэ сырыттабына, манна Попов уонна Новгородов диэн сэбиэскэй уор-ган инструктордара дьону агита-циялыы кэлэллэр. Мантан Ылан Илья Винокуров сэбиэскэй былаас идийэлэрин ылынан, 1921 с. ком-мунист партия кэккэтигэр киирэн, төрөөбүт улуунугар уонна Булунна сэбиэскэй үлэһит быһыытынан салайар үлэтин саҕалаабыта. Мос-кваҕа тутуу кууруһун бүтэрбитэ.



Илья Егорович ВИНОКУРОВ



Доруобуйа харыстабылын наркомунан үлэлиир кэмигэр бары улуустарга сэллик балыһаларын пууннарын астарбыта. Харах диспансера (трахо-матозный диспансер) толору балыһа буолбута. Оччолорго сэллик уонна дьон хараҕа суох буолуу-та олус элбэх этэ.

Винокуров култуура, үөрэбири, наука, доруобуйа харыстабылын эйгэтигэр үлэлээн өрөспүүбүлүкэтигэр сүткэн кылааты киллэр-битэ. Үчүгэй дипломат буолан, Арассыһа үгүс биллиилээх дьонун кытта чугас сыһыаны олохтоон, өрөспүүбүлүкэҕэ алмааһы хостуур промышленноһы, ирбэт тону уонна саха сылгытын үөрэтиини, о. д. а. сайыннарбыта.

Өрөспүүбүлүкэтээҥи партия обкомун I сэ-кирэтээрин дуоһунаһыгар сылдьан, ол кэмгэ көйгөтүүгэ сылдьар А.Е. Кулаковскай, А.И. Соф-ронов, Н.Д. Неустроев литературнай нэһи-лиэстибэлэрин көмүскэлигэр туруммута.

Валерий Ильич, Илья Винокуров уола, Са-ха сирин авиациятын бэтэрээнэ, Үлэ килбиэнэ уордьан кавалера, кэпсииринэн, 5 оботуттан 13 сизннээх, 27 хос сизннээх, 13 хос-хос сиз-нээх эбит. Кинилэр Арассыһа араас куорат-

тарыгар, Америкаҕа, Канадаҕа, Израильга, Италияҕа, Грецияҕа, Узбекистанга тарбанан олоролмор.

Улахан уол Илья – Дьокуускайдааҕы пар-тия горкомун инструктора, Аллара Халыма-тааҕы оскуола дириэктэрэ этэ. Үс оболоох.

Улахан кыыс Клара – тыа хаһаайыстыба-тын институтун бүтэрбитэ. Үс оболоох.

Орто кыыс Наталья – идэтинэн акушер-ги-неколог. Үс оболоох.

Кыра кыыс Александра – Дьокуускай ба-лыһаларыгар кылаабынай бырааһынан, Горздрав сэбиэдиссэйин солбуйааччытынан үлэлээбитэ. 2 оболоох.

Кыра уол Валерий – бастакы кылаастаах пилот, Полярнай авиацияҕа үлэлээбитэ. Икки оболоох.

